



AANKONDIGINGE EN GEMEENTENUUS

SONDAG 21 NOVEMBER 2021

SES EN TWINTIGSTE SONDAG IN KONINKRYKSTYD

GEMEENTE DAGBOEK

GEBEDSONDERWERP VIR DIE WEEK
Wat wil die Here vir De Eike hê?

LEESROOSTERTEKSTE VIR DIE WEEK
2 Samuel 23:1-7; Psalm 132:1-12, 13-18
Openbaring 1:4b-8; Johannes 18:33-37

SONDAG, 21 NOVEMBER	
	POSDAG
09:00	Oggenddiens in Kerk – Ds Chris Barnardo Deuroffer ten bate van: VCSV
09:00	Kinderkerk Gr 1-3 Erediensspan 2 – Lorraine Louw
Geen	Aanddiens
18:00	Senior kategeese
MAANDAG, 22 NOVEMBER	
19:00	Sportmanne Bybelstudie
19:00	Vroue Bybelstudie
DINSDAG, 23 NOVEMBER	
09:30	Senior Burger Bybelstudie
19:00	Kooroefening
WOENSDAG, 24 NOVEMBER	
09:30	Vroue Bybelstudie
19:00	Kerkraadsvergadering
DONDERDAG, 25 NOVEMBER	
09:30	Dienssentrum vir Seniors: Rolbaldag – Kuilsrivier Rolbalklub Sopbeurte: Othello – Bertha de Kock

VRYDAG, 26 NOVEMBER

SATERDAG, 27 NOVEMBER

SONDAG, 28 NOVEMBER

EERSTE SONDAG VAN ADVENT
DANKBAARHEIDSONDAG
BIDDAG IN AANSLUITING BY WÊRELDVIGSDAG

09:00 Oggenddiens in Kerk - KERSSANGDIENS
Deuroffer ten bate van: Christen-Vigsburo SA

09:00 Kinderkerk Gr 4-6
Erediensspan 3 – Johan Norman

Geen Aanddiens

Geen Senior kategese

VAN ALLES EN NOG WAT

1. Die leraars se landlyne werk nie meer nie. Kontak die kerkkantoor om hul selfoonnommers te kry.
2. Ds Hannes Burger is tans met Sabbatsverlof. **Kontak die kerkkantoor indien jy 'n leraar benodig.**
3. Die volgende kerkraadsvergadering vind plaas op Woensdag 24 November 2021 om 19:00.
4. Proteahoogte Gemeente Kersmark: 25 November tot 4 Desember 2021.
Ma – Vr 10:00 – 19:00 Sa 09:30 – 15:00
5. Indien jy weet van iemand wat 'n dubbelbedbasis kan skenk vir 'n senior egpaar, kontak asb die kerkkantoor.
6. NG Kerk Sinodale kantoor in Bellville het 'n vakature vir 'n Sekretaresse (5/8^{ste} pos). Vir meer inligting sien kennisgewingbord in voorportaal of kontak kerkkantoor. Sluitingsdatum vir aansoeke is 25 November 2021.


GEMEENTENUUS

1. Nico Nel het die naweek met Suné Keyter in die huwelik getree. Nico is die seun van Nico en Lynne Nel (Peperboomstraat).
2. Baie geluk aan Gemma Filies wat verkies is tot die Raad van Leerders 2022 by Hoërskool De Kuilen.
3. Hester Cartens (Zevenzicht) ondergaan in die komende week verdere mediese toetse.
4. Elize Steenkamp (Othello) se operasie het goed afgeloop.
5. Petrus Wilders jnr (Brackenfell) was in 'n ernstige motorbotsing betrokke. Hy is tans in die hospitaal.



VERJAARSDAE VIR DIE WEEK

- 21/11 Anchen Lloyd, Lester Abrahams
22/11 Marius Norman
23/11 Jean Snyman, Max Peach, Deidré Summers
24/11 Stoffel Olivier, Juan Roelofse, Simon Fourie, Neil Smit, Matthew Haynes
25/11 Lizelle van Tonder, Hannelie van Zyl, Helen Lintvelt, Ronel Hunter
26/11 Wilma Groenewald, Banie Steyn, Wena Groenewald, Ewis Pienaar, Hester Pieterse
27/11 Callie vd Merwe, Meta van Deventer, Elmarene Fischer, Rollie Schoeman, Francois Hagen, Jenine Westenberg



EREDIENSTE

In terme van die nuwe vlak 1 inperkingsmaatreëls, is die perk vir binnenshuise byeenkomste 750. Ten einde steeds sosiale afstand te kan handhaaf, is ons maksimum per erediens 450.

Almal wat die Erediens en kinderkerk (soos gereël) wil bywoon moet elke week hul naam op die lys by die kerkkantoor plaas. Besoek hulle of kontak hulle telefonies by 021 903 3818 gedurende kantoorure.

Die diens word op De Eike se YouTube kanaal uitgesaai. Die uitsending begin om 8:55 en sal dus die voorsang en aankondiging insluit. Skakel asb in soos dit jou eie behoeftes pas.

Tans is daar nog **nie aanddienste nie**, ons sal jul ophoogte hou van enige verandering.

Ons wys net ons lidmate daarop dat met die veranderde skoolkwartale vanjaar se almanak ietwat verander het. Ons sal julle weekliks op hoogte hou van die program soos aangepas.

VANDAG SE DEUROFFER

Verenigende Christen-Studentevereniging (VCSV)

Dit is die VCSV se roeping om kinders en jongmense te help om teen hedendaagse probleme en Godloosheid bestand te wees sodat hulle as jong Christene uitstaan in 'n wêreld waar geloof en toewyding voortdurend uitgejaag en afgebreek word. Die VCSV is benewens die VCSV-takke in skole ook betrokke by jeugkampe, uitreike, stranddienswerk, avontuurbediening en lewensvaardigheidsprogramme. Die Bybel en die bestudering daarvan, gebed en die soeke na die wil van God staan sentraal in die werk van die VCSV. Die VCSV is 'n geloofsorganisasie wat volledig op die voorsiening van die Here vertrou vir vrywillige hulp en finansiële ondersteuning. Vir verdere inligting oor die VCSV kan u ons webblad besoek of gesels met ons op ons "facebook" blad. Baie dankie vir u ondersteuning en gebede.

Me Colleen Harmse | 021 887 0212 | colleen@vcsv.co.za | www.vcsv.co.za


DROP & GO

Baie dankie vir die mooi reaksie van ons lidmate wat ons so getrou ondersteun. Danksy almal se ruim bydraes kan ons gereeld kospakkies voorsien aan ons behoeftige lidmate.

Bydraes kan steeds deur die loop van die week, tydens kantoorure, by die kerkkantoor afgegee word.

Alle voorrade is tans baie laag

Baie dankie vir jul voortgesette ondersteuning.
Cedric en Piet



JAN KRIELSKOOL

Jan Kriel Liggieboom vind plaas op 4 Desember 2021 om 19:00

Optrede deur Sunset Sweatshop

Kaartjies beskikbaar by Quicket of Jan Kriel Instituut

Volwassenes: R80

Kinders: R20

DE EIKE GAAN BASAAR HOU !!!

Ja, jy het reg ge lees – De Eike gaan op Saterdag 4 Desember 2021 'n basaar hou. Dit gaan wel 'n “mini-basaar” wees, maar dit beloop steeds lekker te wees.

Die F, J, K en Othello Aftree-oord blokke reël dié mini-basaar. Daar gaan gefokus word op POEDING, KLEIN KOEKIES en BESKUIT.

Kom maak dus daardie oggend jou koekblikke vol vir die vakansie by die see.

Elmarie en haar span gaan ook vir ons WORSJORSIES maak – altyd 'n treffer by enige basaar.

Verder gaan daar ook VETKOEKE wees. Slegs gewone vetkoeke sonder vulsel. Ideaal om 'n goeie voorraad daarvan te koop en te vries vir die vakansie as jy lus is vir iets om aan te smul.

Almal word nou al uitgenooi om die oggend van 4 Desember om 9:00 hierdie blokke se fondsinsamelingspoging te kom ondersteun.

TIENDE MAAND DANKOFFER

Baie dankie aan almal wat reeds hul dankoffer gebring het.

Die bedrag van R280 450 is reeds ontvang.

Verlede jaar het ons R278 855 ingesamel. Ons doelwit vanjaar is R300 000.

Lidmate kan steeds enige Sondag die koevert in die bordjie plaas of per EFT of Snapscan hul bydrae gee.

HUIS DE KUILEN

Huis de Kuilen Kersmark
27 November 2021
09:00 tot 11:00

Heerlike Hamburgers & Samoesas
Koue Koeldrank & Smoothies
Kleurvolle poeding & Groot koeke
Naaldwerk & Pragtige geskenke
Lewendige musiek deur Jurie van Zyl

Vir meer inligting: 021 903 7055

***De Eike Gemeente is verantwoordelik vir die Groot Koektafel.
Vir enige skenkings kontak vir Daphne Jordaan op 0828281252***

DANKBAAR TEENOOR ONS DIENSWERKERS

Na twintig jaar as getroue dienswerker lê Carel Rademeyer die tuig neer.
Carel en Dalene verhuis.
De Eike is bevoorreg om 'n dienswerker soos Carel te kon hê.

So ook is hierdie gemeente dankbaar vir elke dienswerker wat in die "loopgrawe" hul dienswerk met toewyding en entoesiasme verrig.
Ons ag julle hoog!
Dankie

WAAR IS GOD IN LYDING?

Sondagaand 21 November 2021 om 18:30 by NG Kerk Kuilsrivier-Suid.

Kom luister na di Jannie du Plessis en Chris Barnardo wanneer hulle oor hierdie groot vraag gesels.



AKSIE SAMARITAAN KERSFEES-PROJEK

**Borg 'n
hawelose!**

Die sokkombuis is gesluit vanaf 16 Desember 2021 tot 17 Januarie 2022. Dit is 'n lang tyd om sonder kos te wees vir die haweloses wat daaglik afhanklik is van die sokkombuis om in hulle kosnood te voorsien. Ons probeer elke jaar om tydens ons afsluiting 'n basiese kospakkie aan ons kliënte te voorsien om hulle by te staan gedurende hierdie tyd. Ons begroot op 150 kospakkies maar daarvoor het ons julle hulp nodig. Die koste van 'n kospakkie beloop R650. Daar is dan twee opsies beskikbaar hoe jy 'n hawelose kan borg. Jy kan die kontant verskaf of jy kan self die kospakkie opmaak uit die onderstaande lys wat verskaf word. Groepe kan ook saam een of twee haweloses borg.

Die afsluiting word gehou op 16 Desember 2021. Alle kospakkies of gelde moet asb teen vrydag 10 Desember 2021 verskaf wees.

Indien jy bereid is om 'n hawelose te borg kontak gerus vir Jacomina Swart by 0824533862 vir verdere besonderhede.

LYS VAN ITEMS IN KOSPAKKIE:

2kg Rys	2,5kg Suiker	1 pak macaroni	1 pak soup mix	500g koffie
1kg mieliemeel	450g weetbix	1 pakkie(25) teesakkies	500ml olie	1 pakkie cremora
1 boksie cup-a-soup	2 blikkies bullibeef	sout	2 blikkies sardientjies	2 blikkies gemengde groente
2 blikkies baked beans	1 pakkie koekies	1 groot pak chips	1kg koekmeel	
5 pakkies 2min noodles	1 bottel aanmaak koeldrank	2 boksies soya mince	1kg waspoeier	

Ons wil dit 'n spesiale geleentheid maak en is ook op soek na skenkings van 3 skape, alles in tjops, wat ons graag wil braai tydens die kersafsluiting.

Ons soek ook 30 persone wat elkeen 'n kind kan borg om 'n spesiale kerspakkie op te maak. Koste hiervan beloop R300. Kontak ons asb as jy dalk met enige van die versoeke kan help.

Artikel 18A sertifikate kan verskaf word en erkenning kan ook gegee word op ons facebook bladsy vir enige donasies ontvang.

Donasies kan inbetaal word in die volgende rekening: Aksie Samaritaan, Absa Bank, tjekrekening nommer 4089388257, verwysing - Kersfees

Mag die Here jou bereidwilligheid en diensbaarheid seën!



PREEKSKETS

TEMA - 'N HOË IMPAK LEWE

Prediker: Ds Chris Barnardo

Skriflesing: Galasiërs 5:22-25



1. Inleiding. Jesus het aan die deur van jou hart geklop...Jy het dit dalk vir die eerste keer gehoor.....of dalk weer gehoor en jy het.....Jesus se stem herken. Jy het die deur oopgemaak en Hom in jou lewe ingenooi. Jy leef nou 'n lewe wat deur die Heilige Gees beheers word. Daarom is Jesus se liefde sigbaar in jou lewe. Jy is vol vreugde en dankbaar oor Sy verlossingswerk. En dit gee jou vrede. Vrede wat alle verstand te bowe gaan. Waar die eerste 3 vrugte van die Gees gegaan het oor “Die Here in in ons” gaan die volgende 3 oor “Die Here **DEUR ons**”. **Geduld, vriendelikheid en goedhartigheid** is 'n uitdrukking daarvan.

2. Geduld. My verstaan van geduld is om ander mense te verdra sonder om ooit lelik met hulle te wees. Êrens lees ek die volgende aanhaling: “Honesty doesn't have to be mean.” Geduld is sonder twyfel die moeilikste van die vrug van die Gees om uit te leef en toe te pas. Wanneer Jesus se liefde jou fondasie is, kan geduld daarop gebou word. Is die vrug geduld sigbaar in jou lewe? Want sonder geduld gaan vriendelikheid nie 'n rusplek in jou lewe kry nie.

3. Vriendelikheid. Dit is lekker om tussen vriendelike mense te wees. Hulle straal warmte uit. Dit is maklik om vriendelik te wees as jy van nature 'n vriendelike persoon is. Maar dit wil voorkom asof sommige mense sukkel om vriendelik te wees. In die teenwoordigheid van sulke mense is daar altyd 'n ongemaklike atmosfeer. Wat 'n vreugde is dit nie om tussen vriendelike mense te leef nie. 'n Gesin propvol vreugde is 'n gelukkige gesin. 'n Werksplek waar vreugde beleef word maak 'n dag soveel korter. 'n Pasmaat gevul met vreugde maak van 'n huis in 'n tuiste.

4. Goedhartigheid. Goedhartigheid verstaan ek as om goeie dinge vir ander mense te doen (goedheid). Wat beteken die woord “goedhartig” vir jou? Goedhartigheid hoef nie skouspelagtige dade te behels nie. Gee goedhartigheid 'n kans – dit is wonderlik om die dankbaarheid op mense se gesigte wanneer jy goeie dinge aan hulle doen.

5. Slot. Vriende dit is mos lekker om 'n mens te wees....Maar dan moet jy 'n lekker mens wees. 'n Lekker mens waaraan geduld, vriendelikheid en goedhartigheid (die vrug van die Gees) tot barstens toe vol lewe groei en sigbaar is.